

此心不戀居人世唯見天邊雙鶴飛是夕奄然而卒及明有雙鶴飛騰於庭木音樂異香滿野舉形就木空衣而已

空洞靈瓜嶼洲甜雪

拾遺記後漢明帝陰貴人夢食瓜甚美帝使求諸方國時燉煌獻異瓜種恆山獻巨桃核瓜名穹隆長三尺而形屈曲味美如飴昔道士從蓬萊山得此瓜云是空洞靈瓜四劫一實西王母遺於此地世代遐絕其實頗在又說巨桃霜下結花隆暑方熟亦云仙人所食

又穆王東遊大騎之谷詣春霄宮集諸方士仙術之要西王母乘翠鳳之輦而來前導以文虎文豹後列雕麟紫磨曳丹膏以爲酒又進洞淵紅藹嶼洲甜雪

道藏輯要

三洞群仙錄

七

翼集五

玉之屢敷碧蒲之薦黃管之薦共玉帳高會薦清澄琬琰之膏以爲酒又進洞淵紅藹嶼洲甜雪

伯微金沟仁本玉屑

丹臺新錄註伯微少好道常以日入時正西北向閉目握固想見崑崙積二十一年後服食入山學道猶存此法當復十許年後閉目乃奄見崑崙存之不止遂見仙人授以金沟之方因而得道猶是精感道應使之然也非此術之妙矣

酉陽雜俎鄭仁本與其中表遊山迷路見一人枕一樸物而坐問之乃云君知有七寶城乎常有八萬二千戶修之我其一也因開樸視之有斤斧數事玉屑飯兩裹分遺鄭曰食此